

stotele concinnatas partim ex Euclide domum qs. postlimi-
nio revocatas possidet. Idem de reliquis constat ex inspe-
ctione verae Philosophiae; modò sciatur non esse membrum
Philosophiae vivum & consequenter Disciplinam veram, nisi
tale quid utrumque principium essentialè, puta præmissam
Intelligentiam, & superstructam Scientiam, in se complectatur.
Nam quod omni caret demonstratione, vivum corpo-
ris Philosophici membrum non absolvit, sed aut *Inchoamen-
tum* saltem *sciagraphicum* est, ut ubi merae definitiones inve-
niuntur & distinctiones: aut *Seminariū*, ut ubi merae sunt Hi-
storiae: aut *skeleton*, ut ubi nudae Propositiones pro junioribus
discipulis ordine recensentur: aut *corollarium*, ut ubi praxis
& usus in gratiam vulgi nudè præscribitur reservatâ doctis
scientiâ. In quibus omnibus methodus est arbitraria, mo-
dò ne nimis sit confusa, difficilis, aut prorsus absurda, contra
naturalem ipsius rationis exultæ ductum.

§. 29. Quod ad ipsius Scientiæ Methodum essentialem *(b) Methodus
attinet vel me tacente quivis intelligit absurdum esse equos essentialis
jungere post remonem, h. e. ab ignotioribus ad notiora, vel ut unica est,
clarius dicam Methodo cen vulgò dicitur analytica (quæ ta-
men sensu Aristotelico nihil minus est quàm analytica) à
principiatis ad principia progredi; ita notandum est Uni-
cam scientiarum tradendarum esse viam essentialem, unicam
methodum, quam sive Syntheticam dicas, sive alio quocun-
que nomine velis insignire, perinde est, modo scias à princi-
piis ad principia semper esse progrediendum, ut in Architec-
tonicis à fundamento ad parietes, ab his ad tectum: Licet e-
nim in unius effari simplici demonstratione liberum sit utra-
vis methodo uti, juxta Cap. 3. Memb. 1. Sect. 3. in integris ta-
men scientiis tradendis, Bone Deus! quæ confusio futura,
quæ difficultas, si ab ultimis Propositionibus inchoantes
centum ferè (alioquin prius demonstratas & jam notas) ex
quibus harum dependet veritas, auditori non nisi postea cer-
tificandas promitteremus, & interea ut intellectum ad om-
nes adhuc ignotas hinc inde distractum quasi teneat & sus-
pen-*